



Broj: 01-04-2- 364 /2025

Sarajevo, 29.10.2025. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te člana 70. stav (3) i (4) Zakona o javnim nabavkama („Službeni glasnik BiH“, broj 39/14, 59/22 i 50/24), direktor Fonda za zaštitu okoliša Federacije BiH donosi sljedeću

O D L U K U

I

Poništava se postupak javne nabavke hardverskih i softverskih usluga (licenciranje i održavanje programskih paketa) za lot 1 – nabavka usluge licenciranja i održavanja programskog paketa za zaštitu od virusa u skladu sa članom 69. stav (2) tačka a) iz razloga što nije dostavljena nijedna ponuda u određenom krajnjem roku.

II

Najpovoljnijem ponuđaču KATARINA d.o.o. Mostar, broj ponude: 7128-po/25 od 22.10.2025. godine, u postupku javne nabavke hardverskih i softverskih usluga (licenciranje i održavanje programskih paketa) dodjeljuje se okvirni sporazum za lot 2 – nabavka usluge održavanja mrežne, sigurnosne i serverske opreme Fonda za zaštitu okoliša Federacije BiH u iznosu od 19.504,00 KM bez PDV-a.

III

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 01-04-2-343/2025 od 10.10.2025. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke iznosila je do 29.450,00 KM bez PDV-a.

Predmet nabavke bio je podijeljen na lotove, i to:

- lot 1 - nabavka usluge licenciranja i održavanja programskog paketa za zaštitu od virusa (procijenjena vrijednost bez PDV-a do 9.450,00 KM),
- lot 2 - nabavka usluge održavanja mrežne, sigurnosne i serverske opreme Fonda za zaštitu okoliša Federacije BiH (procijenjena vrijednost bez PDV-a do 20.000,00 KM).



Obavještenje o nabavci broj: 1382-7-2-64-3-52/25 objavljeno je na e-Portal javnih nabavki dana 14.10.2025. godine u 10:34 sati, dok je na osnovu člana 11. stav (1) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj 80/22) sažetak obavještenja objavljen dana 17.10.2025. godine pod brojem 61/25 („Službeni glasnik BiH“ – Oglasnik javne nabavke).

Tendersku dokumentaciju broj: 01-04-2-5365/2025 od 10.10.2025. godine (u daljem tekstu: tenderska dokumentacija) preuzelo je 23 (dvadesettri) ponuđača, dok je ponudu u skladu sa provedenim postupkom javne nabavke dostavio sljedeći ponuđač:

R.br.	Broj protokola	Naziv ponuđača	Datum i sat prijema
1.	U-04-5456/2025	KATARINA d.o.o. Mostar	23.10.2025. godine u 12:00 sati

Krajnji rok za prijem ponuda bio je 24.10.2025. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-355/2025 od 21.10.2025. godine (u daljem tekstu: Komisija) pristupila je javnom otvaranju ponuda dana 24.10.2025. godine u 12:15 sati, te je konstatovala da je dostavljena ponuda navedenog ponuđača blagovremena, o čemu je sačinila Zapisnik o otvaranju ponuda, te kopiju istog dostavila navedenom ponuđaču putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponude na zatvorenoj sjednici, te je nakon izvršenog pregleda i ocjene iste utvrdila da:

- za lot 1 nije dostavljena nijedna ponuda u određenom krajnjem roku;
- za lot 2 ponuda ponuđača KATARINA d.o.o. Mostar, broj: 7128-po/25 od 22.10.2025. godine sa ponuđenom ukupnom cijenom u iznosu od 19.504,00 KM bez PDV-a ispunjava sve uslove tenderske dokumentacije.

Uzimajući u obzir pristiglu prihvatljivu ponudu ponuđača prema kriteriju za izbor ponude, daje se sljedeći tabelarni pregled:

<i>Lot 2 - Nabavka usluge održavanja mrežne, sigurnosne i serverske opreme Fonda za zaštitu okoliša Federacije BiH</i>			
R.br.	Naziv ponuđača	Cijena u KM bez PDV-a	Rang
1.	KATARINA d.o.o. Mostar	19.504,00	1

Nakon provedenog postupka provjere kvalifikacije ponuđača, kao i pregleda i ocjene ponude, Komisija je sačinila i dostavila direktoru Fonda za zaštitu

okoliša Federacije BiH Zapisnik o pregledu i ocjeni ponuda od 24.10.2025. godine koji ujedno predstavlja i Izvještaj o radu Komisije, zajedno sa Preporukom za donošenje od 24.10.2025. godine.

Obzirom na činjenicu da za postupak nabavke usluge licenciranja i održavanja programskog paketa za zaštitu od virusa nije dostavljena nijedna ponuda u određenom krajnjem roku, u skladu sa članom 69. stav (2) tačka a) Zakona ugovorni organ poništava postupak javne nabavke za lot 1.

Na kraju, uzimajući u obzir da je u predmetnom postupku najniža cijena definisana kao kriterij za izbor najpovoljnijeg ponuđača, kao najpovoljnija i jedina prihvatljiva ponuda u predmetnom postupku javne nabavke za lot 2 smatra se ponuda ponuđača KATARINA d.o.o. Mostar, broj ponude: 7128-po/25 od 22.10.2025. godine, te se s tim u vezi okvirni sporazum o nabavci usluge održavanja mrežne, sigurnosne i serverske opreme Fonda za zaštitu okoliša Federacije BiH dodjeljuje navedenom ponuđaču u iznosu od 19.504,00 KM bez PDV-a.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.

Fond za zaštitu okoliša
Federacije BiH



Sladjan Bevanda, direktor

Dostaviti:

1. ponuđaču (putem e-maila)
2. Sektoru za finansije
3. Samostalnom odjelu za opće poslove
4. a/a